



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De obligatione promittentis accepto stipendio, Missas & non satisfacientis
nu. 15.

urn:nbn:de:hbz:466:1-41878

tum cum legante, quod est facili-
 mum, quando acceptant hujusmo-
 di legata desiderata Sacerdotes) di-
 cendo se acceptavisse pro suo tem-
 pore. Adde multum rationabile es-
 se, quod ea, quæ debet quis pro ali-
 mentis alicujus, debeat solvere an-
 ticipate; ad sustentationem enim
 meam non debeo expectare finem
 anni. At stipendium hoc de quo lo-
 quimur accipitur per se ob susten-
 tationem Sacerdotis, ergo ni anti-
 cipate detur, non videtur ipse obli-
 gari, quando non consentit ad post-
 positam solutionem. Sed hæc ut di-
 xi, (salvo meliore judicio) dubita-
 tive sint dicta.

*De obligatione promittentis, accepto
 stipendio, Missas, & non satis-
 facientis.*

is. **D**ubitabis Quinto hac oc-
 casione quid peccet, & ad
 quid teneatur Sacerdos, qui ac-
 cepto stipendio pro Missis, illas
 non celebrat?

Re-

Respondeo peccare ex genere suo mortaliter, & debere solum restituere stipendium: si enim quando Missæ differuntur ad tempus inutile id diximus nu. 7. & 10. multo magis id affirmandum, quando prorsus omittuntur.

16. Illud tamen ex materia Restitutionis hic, & dicto num 7 advertimus, nō esse mortale negligere restitutionem rei ex se levis, atque adeo nec negligere restitutionem unius, vel alterius stipendii Missæ, quia ex injustitia veniali mortalem obligationem consurgere consentaneum non est. Neque obstat Sacra Congregatio in his Decretis, quatenus dicit, *ni dicantur Missæ præscriptæ peccari graviter, & ad restitutionem teneri.* Non obstat, inquam, quia non est credibile Sacram Congregationem velle obligare plus quam quis tenetur jure naturali. Obligabit ergo mortaliter, si adest materia gravis; venialiter, si levis.

17. Pe-

17. Petes : quando Missæ non sunt dictæ in Monasterio , cuinam incumbit onus supplendi illas , vel pretium restituendi , Superiorine , an ipsis subditis Sacerdotibus ?

Respondeo : certe primo loco Superiori , advertendo tamen , quod Sacerdotes Religiosi obligantur ex iustitia Superiori obedire in celebrandis Missis pro Fundatoribus. Quod si hi iussi legitime à Superiore , nō dicent , obligabuntur , vel dicere , vel restituere stipendium ex suo peculio , si illud habent eo modo , quo Doctores docent Religiosos ex eo , quod forte habent , obligari ad restitutionem , si aliquid ex iustitia debent. Ratio horum est , quia contractui initio inter expostulantes Missas , & Conventū ipsi se virtualiter obligarunt , ut supra diximus. Quod si particulares Religiosi sint ad dictam restitutionem impotentes , totū onus restituendi Prælato incumbere , cum illud stipendium

a Lib. 2. c. 2 § 9 num 2.

pendium nomine Conventus acceptum fuerit, palam est.

Dixi (Primo loco) nam negligente Superiore, in subditos iterum recidet totum onus, quia etiam ipsi contraxerunt, ut dictum est, & ad particulares pertinent officia communis, quando ea negligit Prælarus.

*De obligatione promittentis Missam
sine stipendio si non sit
promisso,*

18. **V**T etiam id hac occasione decernam. Dubitabis Sexro, An qui ex liberalitate promittit Missas, nec illas celebrat, peccet, & ad restitutionem aliquam teneatur?

Respondeo. Licet aliqui etiam unum tantum Sacrum ex liberalitate promissum non celebrare, putent mortale,

a Bonac. de contr. d. 3. quæst. 12. p. 1.
n 8 Petrus Navarr. lib. 2. de rest. cap.
2. dist. 7.